

# Канон Пресвятой Богородице в честь иконы Ее «Достойно есть», или «Милующей»

*Празднование 11/ 24 июня*

## *Тропарь, глас 4-й*

Отцѣв все Афонское мно́жество, соберѣтесь, вѣрно  
празднующе, днесь, радующеся и свѣтло восклицáюще вси  
в весѣлии, Бóжия бо Мáти ны́не от Ангела преслáвно  
воспева́ется. Тѣмже, я́ко Богорóдицу, прѣсно Сию́ сла́вим.  
(дважды).

## *Ин тропарь, глас тойже*

Слава, и ныне: Притецѣм, вѣрнии, со дерзновѣнием к  
мѣлующей Цари́це Богорóдице и умѣльно воззовѣм к Ней:  
низпослѣ́ на ны мѣлости Твоя́ богáтыя: Цѣрковь нáшу  
сохрани́, лю́ди во благодѣнствии соблюди́, зѣмлю нáшу  
избáви от всякаго обстоя́ния, мир дáруй мѣрови и спасѣние  
душáм нáшим.

## *Песнь 1*

*Ирмос:* Отвѣрзу уста́ моя́, и напóлнятся Дúха, и слóво отры́гну  
Цари́це Мáтери, и явлю́ся, свѣтло торжествúя, и воспою́, радуяся,  
То́я чудеса́.

*Припев:* Пресвятáя Госпоже́ Богорóдице, услы́ши моли́тву раб Свои́х,  
моля́щихся Тебѣ́.

Афóн, и́же наречѣ́ся Святáя гора́, Всенепорóчная, Чѣстая,  
я́коже прорекла́ еси́, ны́не свѣтло празднует Тебѣ́, Святѣ́й  
вои́стинну Горѣ́ сýщей, и Божѣ́ственное соверша́ет днесь  
Тебѣ́ торжествó.

Пресвятáя Госпоже́ Богорóдице, услы́ши моли́тву раб Свои́х,  
моля́щихся Тебѣ́.

Божественными присно Гавриил тайнам Твоим изрядным служит чудно, о Всенепорочная, темже и ныне, Дево, Твоя песни, радуясь, поет предначатие.

*Слава:* Не престаеши, Всенепорочная, совершати присно рабом Твоим преславная чудеса, Мати Чистая, и во вся времена изливати благодеяния, Пресвятая, яко благодетельница наша.

*И ныне:* Како изреку величайшее, совершенное тобою, Архангеле, близ скита Карейскаго чудо, егда научил ны еси твоим явлением песни достойней Богоматере?

Спаси от бед рабы Твоя, Богородице, яко вси по Бозе к Тебе прибегаем, яко нерушимей стене и предстательству (поклон).

### *Песнь 3*

*Ирмос:* Твоя песнословцы, Богородице, живый и независтный источник, лик себе совокупльшия, духовно утверди, в Божественней Твоей славе, венцев славы сподоби.

Пресвятая Госпоже Богородице, услыши молитву раб Своих, молящихся Тебе.

Приспе время собраться всем отцем в храме Протатстем, всенощную совершити хвалу, тогда Божественную песнь Твою, Чистая, воспевает Архангел.

Пресвятая Госпоже Богородице, услыши молитву раб Своих, молящихся Тебе.

Прииде со иными и старец онаго послушника инока, и сему единому оставшуся Гавриил Архангел явился в подобнем образе, предначиная песнь Твою.

*Слава:* Приложение творяше к песни Твоей, яко предначатие, Чистая, тоя, юже прежде воспел Косма, Божественный Твой служитель, глаголя, яко тако обычай есть им начинати песнь Твою.

*И ныне:* О, чудес Твоих страшных, Архангеле Божественный Гаврииле! Како во иночестем образе песнь воспел еси Богоматери днес и, яко подобаше, возвеличил еси?

Спаси́ от бед рабы́ Твоя́, Богороди́це, я́ко вси по Бо́зе к Тебе́ прибега́ем, я́ко неруши́мей стене́ и предста́тельству (поклон).

Го́споди, поми́луй (*трижды*). Слава, и ныне.

### *Седален, глас 4-й*

Удиви́ся инок Ангела́ пѣсни, странно́ поющаго ту́ю пред Твое́ю пѣснию, о Чистая́, явльшуся́ сему́ во образе подобнем, а понѣже инок написати́ся желаше о́ней, на дщи́це ка́менной руко́ю чу́дно начерта́, и невидим бысть. Отто́ле проповѣдася́ всем пѣснь сия́, е́же Богороди́цу Тя сла́вити, Всенепоро́чная.

### *Пѣснь 4*

*Ирмос:* Неизсле́днѣй Бо́жий совет, е́же от Дѣвы́ воплоще́ния Тебе́, Вы́шняго, проро́к Авваку́м, усмотря́я, зовя́ше: сла́ва си́ле Твое́й, Го́споди.

Пресвята́я Госпоже́ Богороди́це, услы́ши моли́тву раб Свои́х, моля́щихся Тебе́.

Досто́йно, предначина́ше, я́ко вои́стинну есть блажи́ти Тя, Пречи́стая, Богороди́цу, присноблаже́нную и вои́стинну пренепоро́чную и Бо́га Ма́терь всенескве́рную.

Пресвята́я Госпоже́ Богороди́це, услы́ши моли́тву раб Свои́х, моля́щихся Тебе́.

Предначина́тельную сию́ пѣснь Божѣ́ственному Гаври́лу странно́ поющу, удиви́шеся́ слу́шаяй инок, а понѣже вопроша́ше, та́ко пѣти, рече́, обы́кохом.

*Слава:* Глаго́лати и ему́ та́ко повелева́ше Гаври́л сие́ предначáтие, та́же пѣти пѣснь Космы́ Божѣ́ственную и всех научи́ти сему́, Божѣ́ственный рече́ Арха́нгел.

*И ныне:* Занѣже проси́ инок, Гаври́ле Божѣ́ственне, написати́ пѣснь, ю́же услы́ша, ты начерта́л еси́ а́бие на дске ка́менной, Арха́нгеле. Сла́ва неизрече́нней си́ле тво́ей.

Спаси́ от бед рабы́ Твоя́, Богороди́це, я́ко вси по Бо́зе к

Тебѣ прибегаем, яко нерушимей стѣнѣ и предстательству  
(поклон).

### *Песнь 5*

*Ирмос:* Ужасошася всяческая о Божественней славе Твоей: Ты бо, неискусобрачная Дѣво, имѣла еси во утробѣ над всеми Бѣга и родила еси безлѣтнаго Сына, всем воспевающим Тя мир подающая.

Пресвятая Госпоже Богородице, услыши молитву раб Своих, молящихся Тебѣ.

Ужасѣся человек дивным чудесем, егда чудо узрѣ, яко дска каменная начертася и внезапно собесѣдующий ему невидим бысть, Гавриил, славный и честный Архистратиг.

Пресвятая Госпоже Богородице, услыши молитву раб Своих, молящихся Тебѣ.

Старец, егда во утрие в кѣлию свою возвратися и егда странная сия услыша, дску же каменную узрѣ, рукою начертанну, взял же абие с учеником сию, принесоша Горы начальствующим.

*Слава:* Знаемы и всем известны быша сия чудеса, Дѣво, понеже дску каменную абие в царствующий град торжественно отслаша Горы начальствующии, во еже славити Тя всем.

*И ныне:* Стекошася вси во убогое обиталище, в немже странное чудо содеяся, и Твоей иконе, пред неюже воспѣта бысть песнь, Всечистая, благоговѣйне поклоняющася, единогласно уставивша в Протате той хранитися.

Спаси от бед рабы Твоя, Богородице, яко вси по Бѣзе к Тебѣ прибегаем, яко нерушимей стѣнѣ и предстательству  
(поклон).

### *Песнь 6*

*Ирмос:* Божественное сие и всечестное совершающе празднество, богомудрии, Богоматере, приидите, руками восплѣщим, от Нея рождагося Бѣга славим.

Пресвятая Госпоже Богородице, услыши молитву раб Своих, молящихся Тебѣ.

С неизреченною вси стекóшася радóстию и весéлием, ёже взя́ти честnúю икóну Твою́, иере́и, и мона́шествующии, и все Горы́ мно́жество, Пречи́стая.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

Божéственную Твою́ икóну сию́ со всяким благоговéнием держа́ще отцы́ вси, плéщуще, с пéснями и пéньми внесóша в Божéственный храм Твой, Пречи́стая.

*Слава:* Дéво! Стоя́ние всенóщное соверши́ша, любóвию Тебе́ чту́ще и Арха́нгела, песнь Твою́ возвестивша, и ны́не мы тако́же вас вку́пе почита́ем.

*И ны́не:* Отцы́ Божéственнии, с пéснями, по тайнодéйстви, взéмше Божéственную Твою́ икóну, внутрь хра́ма, в невходима́я, со мно́гим благоговéнием поста́виша.

Спаси́ от бед рабы́ Твоя, Богоро́дице, я́ко вси по Бóзе к Тебе́ прибега́ем, я́ко неруши́мей стене́ и предста́тельству (поклон).

Го́споди, поми́луй (*трижды*). Слава, и ны́не.

#### *Кондак, глас 4-й*

Празднует днесь весь Афóн, я́ко песнь при́ят от Ангела чу́дно Тебе́, Чи́стей Богома́тери, Ю́же вся тварь чтит, сла́влящи.

#### *Икос*

Ны́не да веселится мно́жество отцев Афóна: се бо Дéве пре́жняя пéсни, ю́же чу́дно воспé Ей Косма́, Божéственный песнопéвец, Гаври́ил ны́не поёт преднача́тие, и́же: Досто́йно есть я́ко вои́стинну, глаго́лаше и́ноку, блажи́ти Тя, Богоро́дицу, присноблаже́нную и пренепоро́чную и Ма́терь Бóга нашего; сему́ повелева́ше, да тако́ вси предначина́ют Твою́ песнь. И, сию́ начертáв руко́ю на дске ка́менной, внеза́пу бысть невидим. Инок же, дивя́ся, воспева́ше, я́коже научи́ся, Чи́стую Богома́терь, Ю́же вся тварь чтит, сла́влящи.

## Песнь 7

*Ирмос:* Не послужиша твари Богомудрии паче Создавшего, но огненное прещение мужески поправше, радовахуся поюще: препетый отец Господь и Бог, благословен еси.

Пресвятая Госпоже Богородице, услыши молитву раб Своих, молящихся Тебе.

Преизрядную честь воздаюху вси отцы, и прежнии и нынешнии, сей иконе Твоей Божественной, Пренепорочная, праведнейше: чести бо премногия удостоися преславно.

Пресвятая Госпоже Богородице, услыши молитву раб Своих, молящихся Тебе.

Велия благодати удостоися Божественная икона Твоя, Пренепорочная, ясно бо пред нею Твоея песни предначатие первее возгласися благоволением Твоим. Темже по долгу ныне сей с любовью поклоняемся.

*Слава:* Не боготворим икону Твою, Пречистая, якоже на ны клеветуют, но относительно чтим, Пренепорочная, сию, радующаяся, лобызаем чествовательно, раби Твои, ныне же и во веки.

*И ныне:* С Тобою, Пресвятая, не престаем чтити и славнаго Гавриила, нас ныне песни Твоей научившаго, иже и прежде, Тебе возглашая, зываше: радуйся, Благодатная.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стени и предстательству (ПОКЛОН).

## Песнь 8

*Ирмос:* Отроки благочестивыя в пещи Рождество Богородичо спасло есть, тогда убо образуемое, ныне же действующее, вселенную всю воздвизает пети Тебе: Господа пойте, дела, и превозносите Его во вся веки.

Пресвятая Госпоже Богородице, услыши молитву раб Своих, молящихся Тебе.

Отроком благочестивым подражающе, Богородице, о чудесех Твоих, яже творит Господь во славу Твою, Пречистая, воспевающе, поем: Господа пойте, дела, и

превозносите Его во вся веки.

Пресвятая Госпоже Богородице, услыши молитву раб Своих, молящихся Тебе.

Воистинну благословен, иже сподобися услышати Божественныя хвалы Твоя от Ангела, Пресвятая Дево Пренепорочная, якоже Сын Твой благоволи, иже всех научи пети Тя достойно и превозносити Тя во вся веки.

*Слава:* «Пение» по достоянию уставися именовати место оно, идеже совершися сие чудо, якоже нарицание удержася до нас и навсегда, на память, Пречистая, чудесе, яко да воспеваем Тя и превозносим во вся веки.

*И ныне:* «Достойно есть» даже до ныне нарицается ясно и келлия та, в нейже и Божественная Твоя икона, пред неюже первее воспето бысть песни Твоея, Дево Чистая, предначатие, яко да поют Тя вси достойно и превозносят Тя во вся веки.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стене и предстательству (поклон).

### *Песнь 9*

*Ирмос:* Всяк земнородный да възграется, Духом просвещаемь, да торжествует же безплотных умов естество, почитающее священное торжество Богоматере, и да вопиет: радуйся, всеблаженная Богородице, Чистая Приснодево.

Пресвятая Госпоже Богородице, услыши молитву раб Своих, молящихся Тебе.

Вси рабы Твой, стекаемся во храм Твой Божественный и празднуем, светло совершающе ныне торжество, в летнюю днесь память чудесе Твоея песни восполнения, Богородице, Чистая Приснодево.

Пресвятая Госпоже Богородице, услыши молитву раб Своих, молящихся Тебе.

Достойно есть, не престаем радуящиеся глаголати, блажити Тя, присноблаженную же яко воистинну и пренепорочную и Матерь Бога нашего, от Ангела сим ныне

научившися, Богородице, Чистая Приснодево!

*Слава:* Вкупе славнаго и Божественнаго Архангела Гавриила днесь, радуящися, прославляем, благодарственная пения приносяще, дивным чудом всех научившаго Божественней песни Чистыя Богоматере, радуйся, тайннице неизреченных, взывающе.

*И ныне:* Радуйся, храм Протата преславный, хвалящийся сокровищем всечестных, Божественных и благодать точащих иконы единых Богоматере и предстательницы Афона: гора бо сия избранный жребий Ея соделася.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стене и предстательству (поклон).

### *Молитва*

Достойно славимая и праведно от всех горних чинов убожаемая, яко без сравнения их превосходящая, Бога и Творца всяческих рождающая, паче всех возвеличенная, пречудная Владычице! Молися из Тебе воплощенному Христу Богу нашему, да призрит на ны, люди безответные, да сохранит нас невредимых от всех навет вражиих и злых клевет, много бо может Твоя матерняя молитва, по реченному: проси, Мати Моя, не отвращуся, но вся прошения Твоя исполню. Сего ради, радостью о сем исполняеми, взываем Ти: спаси, Владычице, погибающая рабы Твоя, просвети омраченные суемудрствованьми века сего и приведи ны ко сладчайшему Иисусу, да вечно радуящися, взываем: слава Отцу, слава Сыну, слава Святому Духу, слава и Тебе, преславней и пренепорочней Деве Богоматери, убожаемей и благословляемей в безконечные веки веков. Аминь.